

per persunas d'instrucziun, mainascolas e cussegls da scola



Nr. 5 2019/20

Part generala

Midament en la normalitad en scola

Cun la midada da la situaziun extraordinaria en in manaschi da scola regular s'adatta era la furma d'infurmaziun. Il fegl circular "Scola malgrà Corona" na vegn betg pli publitgà, era sche las consequenzas da COVID-19 occupan las scolas er vinavant. Temas che concernan corona sun integrads en questa circulara.

Il meglier or da dus munds

La digitalisaziun en il sector da furmaziun n'è betg ina nova apparientscha. Dentant ha la crisa da corona dà in stausch incunparabel a la digitalisaziun en il sector da la furmaziun. En il centrum stà la dumonda, sche las scolas han midà dad in stadi predigital en in stadi da digitalisaziun completa. L'enconuscent scienzià da furmaziun, dr. Stefan Wolter, ha in sensori fitg fin per trends, process e bloccadas en il sector da furmaziun. En ina contribuziun sin "Eduport" s'occupa el cun la dumonda da l'avegnir suenter il temp da scolaziun a distanza.

Contribuziun dr. Stefan Wolter



Attestats e promoziun

Ils 24 d'avrigl 2020 han publitgà il DECA e l'inspecturat da scola cun l'info 8 las suandantas reglamentaziuns ed avis per il manaschi da las scolas:

1. L'onn da scola 2019/20 vala sco onn da scola cumplain – malgrà l'instrucziun differenta e la realisaziun dal plan d'instrucziun adattada.

2. Tuts attestats finals da l'onn da scola 2019/20 cuntregnan la suandanta remartga: "Nagin'instrucziun da preschien-

tscha dals 16 da mars fin ils 8 da matg 2020 en consequenza da la pandemia da COVID-19." Per il giudicament da las scolaras e dals scolars en l'attestat annual duain las persunas d'instrucziun en emprima lingia resguardar las prestaziuns cuntanschidas durant il temp da l'instrucziun da preschientscha. Durant il temp da l'instrucziun a distanza avevan prioritad il giudicament formativ ed il sustegn da las scolaras e dals scolars cun feedback qualifitgà. Questa fasa po vegnir resguardada en il senn d'in giudicament cumplesiv da las scolaras e dals scolars.

3. Repetiziuns da classas duain sco usità vegnidas tractadas a moda fitg restrictiva, q.v.d. ina repetiziun duai be lura vegnir considerata, sch'ella è gia vegnida tematisada avant la fasa da l'instrucziun a distanza e sch'igl è da quintar cun in effect positiv per la scolaziun da la scolara u dal scolar (mesira da promoziun). Medemamain renviain nus spezialmain a l'art. 9 da las directivas concernent ils attestats e la promoziun: Sch'ina scolara u in scolar è cleramain surdumandads po durant l'emprim semester vegnir decidì – cun il consentiment da tuts pertutgads – davart ina reintegrasiun en la classa pli bassa. Questa pussaivladad survegn en la situaziun actuala ina impurtanza speziala.

4. Tut ils roms duain vegnir validads tenor las directivas concernent ils attestats e la promoziun. La software per ils attestats vegn adattada uschia che la remartga menziunada sura apparecha automaticamain sin mintga attestat. Er "LehrerOffice" ha survegnì ina incumbensa correspondent. Ulteriuras adattaziuns dals attestats n'èn betg previsas.

Directivas concernent ils attestats e la promoziun



Infurmaziuns da l'Uffizi per la furmaziun professiunala

L'Uffizi per la furmaziun professiunala communitgescha en connex cun COVID-19 las suandantas infurmaziuns:

1. Suenter ch'ils centers d'infurmaziun professiunala (CIP) eran cuntanschibels durant las ultimas emnas be per telefon u e-mail èn a partir dals 8 da zercladur cussegliaziuns directas puspè pussaivlas.
2. Quest onn pon, cun singulas excepziuns, ils contracts d'emprendissadi vegnir fatgs fin las vacanzas d'atun. Excepziuns èn professiuns che porschan già en avust curs ordaifer il manaschi (p.ex. constructur) u curs da scolaziun scursanids.

Rait GRUPIT

La rait GRUPIT da la Scuola auta da pedagogia dal Grischun (professura speziala per didactica integrada plurilingua cun il focus talian) ha installà ina nova plattafurma da barat per il rom talian sco lingua estra. La plattafurma porscha materials accompagnants per ils meds d'instrucziun Grandi Amici 1 e 2 sco er per Amici d'Italia 1, unitads 1 fin 4. Plinavant sa chattan sin la plattafurma era chanzuns, lecturas, gieus, sequenzas d'instrucziun immersivas ed exempels didactics plurilingus. Ils documents èn accessibels publicamain e sa chattan sin la plattafurma Moodle da la SAP GR. Ulteriuras infurmaziuns per l'access sa chattan en il link suandant.

[Plattafurma "Siamo amici"](#)



Swissdidac a Berna

Dals 4 fin als 6 da november 2020 ha lieu la Swissdidac a Berna. L'occurrentza appropundescha ils temas "la scola da duman", "instrucziun a distanza e lockdown" e "digitalisaziun en scola". I sa po experimentar da moda interactiva cun differentas activitads praticas. L'occurrentza parallela "Tablet Days" fa vegnir fit per l'avegnir als visitaders e las visitadras cun tools digitals da lavur.

[Swissdidac Days Bern](#)



Spustament dals SwissSkills 2020

En consequenza da la pandemia da Corona vegnan las maistranzas da professiun SwissSkills dals 9 en fin als 13 da settember 2020 a Berna spustadas sin l'atun 2022. Subit ch'i è cler, sch'i vegn purschì in program alternativ per classas, infurmescha l'organisatur danovamain.

Infurmaziuns SSS per scolas

La societad svizra da salvament (SSS) fa quint questa stad en vista a la stagion da nudar cun damain viadis en l'ester e cun dapli personas che usità en vischinanza da lais e flums. Ord questmotiv cussegla la societad a scolas da tematisar anc avant la stad il tema segirezza ed aua. Il med d'instrucziun disponibel da scoletta fin il stgalim superiur "Mit Sicherheit mehr Wasserspass" è fitg nizzaivel.

[Segirezza ed aua](#)



Cordials salids

Andrea Caviezel, manader da l'inspecturat da scola

Part regionala

Visitas da l'inspecturat en scola

L'inspecturat da scola agescha era en avegnir tenor las prescripziuns dal USP e tralasca, en connex cun COVID-19 e la situaziun extraordinaria, las visitas da scola fin la fin da l'onn da scola. In cas excepziunals èn visitas pussaivlas.

Deplorablmain pertutga quai era las ultimas visitas dals bunamain 110 pertutgads e pertutgadas da l'introducziun en la professiun (IPPI).

Ils inspecturs e las inspecturas responsablas contacteschan per telefon ils pertutgads e las pertutgadas. Evidentamain esi pussibel per tut las scolas er sco fin ussa da s'annunziar cun dumondas per telefon, mail o en scrit tar l'inspecturat districtual.

Termins

Occurrenza per cussegls da scola atun 2020

Nus faschain attent a tut las presidentas e presidents sco era a commemoras e commembers interessads dals cussegls da scola sin la proxima occurrenza. Questa ha lieu als 25 da november 2020 a Razén.

Cun questa ultima circulara per quest onn engrazian nus spezialmain a tut las magistras e tut ils magisters che van en pensiun, a tut las personas che bandunan or d'auters motivs la scola e a tut ils cussegliers es cusseglieras da scola che termineschan lur mandat.

Nus giavischain ina buna finiziun da scola ed engrazian per la buna collavuraziun.

Christina Nigg (manadra), Daniela Zanelli, Jachen Buchli, Philipp Hugentobler ed Elisabeth Caluori (secretariat)

